

ՈՐՈՇՈՒՄ

Արգելադրված գույքը հարկադիր էլեկտրոնային աճուրդով իրացնելու մասին

16.04.2019թ.

ք. Իջևան

Հարկադիր կատարումն ապահովող ծառայության Տավուշի մարզային բաժնի հարկադիր կատարող, արդարադատության ավագ լեյտենանտ Լ. Եսայանս ուսումնասիրելով 16.04.2019թ-ին վերսկսված թիվ 04686491 և 04686493 կատարողական վարույթների նյութերը

ՊԱՐԶԵՑԻ

ՀՀ Տավուշի մարզի ընդհանուր իրավասության դատարանի կողմից 24.10.2018թ. տրված թիվ ՏԴ1/0364/02/18 կատարողական թերթի համաձայն պետք է Ստելլա Սամվելի Օթարյանից և Գեղամ Աշոտի Սարգսյանից համապարտության կարգով հոգուտ <<Ֆինքա>> ՈՒՎԿ ՓԲԸ-ի բռնագանձել 250,544 ՀՀ դրամ՝ որից 180,994 ՀՀ դրամը՝ որպես վարկի ամբողջ մայր գումարի մնացորդ գումար, 16,491 ՀՀ դրամը՝ որպես հաշվեգրված տոկոսագումարի մնացորդ, 1,843 ՀՀ դրամը՝ որպես ԿԲ տոկոս/ժամկետանց գումարի տույժ, 36,814 ՀՀ դրամը՝ որպես մայր գումարի և տոկոսագումարի նկատմամբ հաշվարկված տույժի գումար, 14,400 ՀՀ դրամը՝ հաշվեգրված ամսական սպասարկման վճարի գումար:

Սկսած 17.06.2018 թվականից մինչև պարտավորության փաստացի կատարման օրը վարկի մայր գումարի՝ 180,994 ՀՀ դրամի նկատմամբ հաշվարկել և պատասխանողներ Ստելլա Սամվելի Օթարյանից և Գեղամ Աշոտի Սարգսյանից համապարտության կարգով հոգուտ <<Ֆինքա>> ՈՒՎԿ ՓԲԸ-ի բռնագանձել ՀՀ քաղաքացիական օրենսգրքի 411-րդ հոդվածով նախատեսված տոկոսներ:

Պարտապանից պետք է բռնագանձել նաև բռնագանձման ենթակա գումարի 5 տոկոսը, որպես կատարողական գործողությունների կատարման ծախս:

Կատարողական գործողությունների ընթացքում պարտապաններ Ստելլա Սամվելի Օթարյանին և Գեղամ Աշոտի Սարգսյանին համատեղ սեփականության իրավունքով պատկանող WOLKSWAGEN GOLF 1.4 I մակնիշի, 75 XL 505 պետհամարանիշի ավտոմեքենան <<Արմէքսպերտիզա>> ՍՊԸ-ի փորձագետի կողմից գնահատվել է 170,000 ՀՀ դրամ:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28,43 հոդվածներով և «Հրապարակային սակարկության մասին» ՀՀ օրենքի 35.1-35.4 հոդվածներով՝

ՈՐՈՇԵՑԻ

Ստելլա Սամվելի Օթարյանին և Գեղամ Աշոտի Սարգսյանին համատեղ սեփականության իրավունքով պատկանող ներքոհիշյալ գույքը

h/h	լուծի անվանումը նկարագիրը	գնահատման գինը	մեկնարկային գինը	գույքի քանակը
1	<u>WOLKSWAGEN GOLF 1.4 I մակնիշի ավտոմեքենան</u> Ավտոմեքենայի թողարկման տարեթիվը՝ 1993թ., նույնականացման համարը՝ WVWZZZ1HZRW324203, թափքի տեսակը՝ հետչքեկ, գույնը՝ երկնագույն մետալիկ, պետհամարանիշը՝ 75 XL 505: Մեքենան գտնվում է անաշխատունակ վիճակում: Թափքի վրա ակնհայտ առկա են խազված, փոս ընկած, դեֆորմացված, ժանգոտված, կոռոզացված, ներկաշերտը խամրած հատվածներ: Ավտոմեքենան ամբողջովին ապակոմպլեկտավորված է՝ ետևի և առջևի ծածկոցները, լուսարձակները, նստատեղերը, փոխանցման տուփը, դիմացի անվաղողերը, շարժիչը ընթացքային հիմնական մասերը բացակայում են:	170,000 ՀՀ դրամ	127,500 ՀՀ դրամ	1 հատ

Ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով:
Հարկադիր էլեկտրոնային աճուրդի սկիզբը՝ 05.06. 2019թ:

Որոշման պատճենը ուղարկել կողմերին:

Որոշումը կարող է բողոքարկվել ՀՀ վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:


«Դատական ակտերի հարկադիր կատարման մասին» ՀՀ օրնքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

Ծ Ա Ն Ո Թ ՈՒ Թ Յ ՈՒ Ն՝ Յուրաքանչյուր լուծի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուծի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լուծի մասին ծանուցումը:

Եթե աճուրդը չի կայացել գնորդ չլինելու կամ լուծի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լուծի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուծի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լուծի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լուծի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լուծի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լուծը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լուծը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լուծը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լուծի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

ՀԱՐԿԱԴԻՐ ԿԱՏԱՐՈՂ
ԱՐԴԱՐԱԴԱՏՈՒԹՅԱՆ ԱՎԱԳ ԼԵՅՏԵՆԱՆՏ



Լ. ԵՍԱՅԱՆ